


日本漢文學百家集 54

王焱 編



YSP
北京燕山出版社

王焱 主編

日本漢文學百家集
54



北京燕山出版社

第五十四册

鷺峰先生林學士全集 詩集 卷一至卷十四 林春勝著 元祿二年
……
一

鷲峰先生林學士詩集卷第一

向陽前集一

寬永十二年正月
至同十四年十二月

乙亥試筆

長安幾遇孟陽辰，今歲武陵欣賞頻。
四海爲家太平日，朝霞千里一般春。

元朝喜氣日光遲，草木風烟清又奇。
硯沼冰融聊試穎，箋春霞泛足揚巵。
庭前郁郁梅顏綻，岸上青青柳眼垂。
一夜萬形皆改觀，新年愧不發新知。

謹和羅淳先生試毫之嚴韻

元旦揮毫賀大家清新語句帶烟霞春來不藉鶯梭
手織得文章段段花

謹和東舟先生試穎之嚴韻

東風霞起忽飛揚
鉄硯冰融似慕桑
自此群芳可資
始官梅先發一枝香

和杏庵先生歲初之詩韻

黃鶯忽囀武城春更聽
絃歌皆欲馴
歲始何求爽
人口一篇詩味最兼珍

和永甫雅丈新歲之詩韻

忽遇青陽試秀才，東風吹入九霞盃。
花開見在新詩裡，庭砌何期羯鼓催。

奉汚金地太和尚試兔之嚴韻

迎得陽春和氣堆，太平呈象紫霞杯。
雖吟武野風光好，想像南禪輦寺梅。

和勝俊丈試穎之韻

一別千程南海濱，東遊欣遇武城春。
案頭忽送舊年去，詩似番風花氣新。

和敏清生元且試觚之韻

書窓迎歲見詩上麗日紅霞映暖風東海春來水始
解健毫先向墨池中

和道意丈試穎之韻

千里他鄉逢月正霞間遙望九重城陽和今日新來
處黃鳥先揚喚起聲

和守勝弟試毫之韻

幼歲迎年在武城泰平唱和出幽鶯堆岩不動春風
國共見白沙爲翠兒

次梅雲雅丈新歲之韻

去歲營新宅

建寅斗柄夏時正滿面，和風心自平。新歲始逢新築，
裡下篇一曲喜遷鶯。

奉和脇坂君新年和歌之末字

桑暎出海發光輝，韶景無邊風更微。詞花早發士林，
上芬芬郁郁滿春衣。

仲春釋菜賦程堂春風

春日遲遲韶景濃，一團和氣憶純公。溫風德義遍天，
下悟入傍花隨柳中。

杜鵑

杜鵑鳴處怨依依，哀慕千年向北飛。
老樹高懸一輪月，檐前休唱不如歸。

芍藥

紅藥花開亞牡丹，幾般吟賞倚欄干。
庭前分得維揚種，莫做尋常一樣看。

端午

戶戶艾人邪氣除，飯筒隨例愍三閭。
庭前詩景先須記，正是榴花結子初。

七夕

迎得良宵物景宜涼風滴露共清奇
一年一會雖須恨却羨星盟無絕期

秋霖

連日滂沱未解晴書窗獨坐動詩情
中秋待奏霓裳曲豫聽檐間琴筑聲

八月十四夜

清樽素瑟向新涼二七秋容桂子香
明夜爲思盈不久晴夫先賞九分光

中秋

西京慣看十分圓東海欣逢萬里天潤得今宵新月
色賞心孰與舊年年

中秋奉塵家君佳付之嚴韻

月白風清斐几前晴空千里一輪圓佳篇寫得中秋
景金主聲聞武野天

曉天鳴鴈

高樓月落素秋天孤鴈叫飛雲路邊嘹唳一聲湘水
冷驚回遠客五更眠

漫綴絕句一章以塵夕佳樓主人中秋之芳押

三五秋來月色新他鄉欣幸遇良辰客愁多少今宵
散一段清光是故人

重陽

萸囊隨例祝重陽籬外詩情一片黃四海今朝菊花
宴陶家何獨管秋香

初雪

微雪風來吹白些窻前詩興思無邪冬天却怪春光
到初見林梢頃刻花

寒華初舞處驂客發詩情影似梨花淡飛如柳絮輕

書窻何用燭，平地稍鋪瓊。喜見豐年瑞，從來因太平。

達磨贊

鼻祖西來遊魏梁，禍根桂子久昌昌。自從熊耳活埋後，再現葱山又片岡。

采和贊

旁有花筐又有丁仙讀書

跣脚藍仙鬢髮斑，花筐天篆兩醜顏。他年隻鶴入雲去，長使蹈歌留世間。

乙亥季冬春海雅丈辭東武歸長安，余離群之情不可言焉。聊綴小詩一章以餞其行，世表云爾。

湘左馬嘶西向秦一觴歡伯送行人雖拋士嶺千秋
雪羨迎洛陽三月春

韓王堂雪

王趾微行踏六花地爐煖酒策謀加誰知一夜立深
雪榻外他家屬宋家

伊川門雪

門外雪花盈尺堆游揚二子見寒來陽節陰慘一家
學異曲同土玉色梅

蘇武弒雪

臥シ窖ニ牧ヲ弋ラ持ス節ヲ人ノ古ノ來ニ忠ニ義ニ更ニ無シ倫ニ縱シ然ル胡ノ國ニ契テ齒ヲ種ト
雪ヲ還テ遇フ麒ヲ麟ヲ閣上春ニ

丙子元日

改歲欣逢千萬家東君物象屬梅花天經地緯織成處春服新裁一片霞

元日立春

和氣溫溫泛栢樽條風嫋嫋顛金旛出幽黃鳥一聲裏喚起新春與歲元

漫塵家君鷄日試免之嚴韻以奉呈膝下二首
滿樽椒酒萸猶醜上壽家君慶有餘字字梅開一元氣須知萬物發生初

谷風習習入羅浮吹徹梅花村下洲袖海水融滌毫
處料知洙泗一源流

奉塵東舟先生試兔之瓊韻

東風送暖入春盃味外膠飭句句催萬丈文光映鸞鳥
晷雲霞草木悉昭回

賡永甫雅文試兔之芳押

交泰三陽人統正明窻淨几賞春晴新年新語似鸞鳥
語始聽花中絃管聲

次韻守勝弟歲初之作